

積學齋叢書

第

冊

續學齋叢書

卷一

詩

南陵徐氏積
學齋書畫

水經釋地卷一

曲阜孔繼涵誦孟

河水

崑崙墟在西北去嵩高五萬里地之中也其高萬一千
里河水出其東北陬

戴氏水地記曰河源以南唐吐蕃今西藏之境古崑
崙國在焉積石以東北今青海之境古析支在焉而
漢通大宛西域踰葱嶺而西古渠搜在焉三地大小
諸國通稱西戎繫于雍州

屈從其東南流入于渤海又出海外南至積石山下有
石門

酈注云余考羣書咸言河出崑崙重源潛發淪于蒲昌出于海水逕積石而爲中國河而經文在此似爲不比積石宜在蒲昌海下矣戴氏東原曰道元以葱嶺于闐之河入蒲昌海潛行地中復出爲積石河葱嶺在今回部葉爾羌西于闐卽和闐在葉爾羌東南蒲昌海卽羅布淖爾在闐展西南積石山在青海境積石之西五六百里卽星宿海今呼鄂敦塔拉朱思本所謂水從地湧出如井其井百餘者也道元言河之所潛出于積石宜卽指星宿海水地記曰禹貢之積石值西寧邊外西南五百餘里漢志金城郡河關積石山在西南羌中是也河關故縣在今西寧府西

南邊外番語謂祖阿木尼謂色班駁瑪勒占謂冰木
遜故呼積石山曰阿木尼瑪勒占木遜其山有九峰
綿亘三百餘里河行山南繞東麓轉西卽梁寅河源
記所言河繞山之三面如玳然其西南山值河之東

曰哈爾吉東有山二峯高峻曰阿木尼殼懇古爾板

凡曰阿木尼者皆番人所望祭大山河西轉之左曰烏藍芒奈有嶺北

枕河曰哈爾吉盛夏積雪多瘴氣元史地里志都實

言甘思東北有大雪山名亦耳麻不莫刺其山最高

譯言騰乞里塔番語謂天騰乞里卽崑崙也山腹至

頂皆雪冬夏不消元史云崑崙者誤水經注唐述山

隋唐間始有小積石之目魏王泰括地志云大積石

山在吐谷渾界小積石山在抱罕縣西北縣今元和

郡縣圖志鄯州龍支縣在今西寧府積石山在縣西

九十八里河州枹罕縣積石山在縣西北七十里又

云四瀆之中河源最高從高注下其流峻急禹貢導

河積石至于龍門又曰導洛自熊耳按洛水出上洛

西山經熊耳之北所言導者皆謂紀所施功不必自

其源也則吉甫直以小積石當禹貢之積石而爲之

說此山在酈道元注水經時尙不名小積石而太子

賢注後漢書杜佑作通典乃與李吉甫同誤後儒以

之解經至元人遂誤以大積石爲崑崙矣戴氏東原

又曰案此下原本及近刻有河水冒以西南流七字

考山海經云積石之山下有石門河水冒以西流卽
今河行積石山南遶其東折而西流逕山北然後轉
東北流形勢適合石門當在折西之處不得云西南
流也作水經者誤以爲河自石門潛行地中而入葱
嶺然後復出故不取冒以西流之語下言入葱嶺則
上不得言其流當是後人見山海經河水冒以西流
句與下有石門相連遂掇其語于此又因下文言南
入葱嶺更臆改西流爲西南流耳杜佑通典兩引水
經南至積石山下有石門卽接以又南入葱嶺山又
從葱嶺出而東北流絕不及河水冒以西南流七字
其爲唐時本所無甚明今據通典訂正刪去七字

又南入葱嶺山又從葱嶺出而東北流

戴氏案原脫此九字杜佑通典引水經有此文蓋唐已後始脫去今補正

其一源出于闐國南山北流與葱嶺所出河合

戴氏云近脫所出二字據通典補

又東注蒲昌海

戴氏案近脫又字據通典補

又東入塞過敦煌酒泉張掖郡南

漢武帝元鼎六年分酒泉郡立敦煌郡隸涼州晉元康五年分五縣又分酒泉之沙頭又別立會稽新鄉二縣爲晉昌郡北魏以郡立瓜州又立效穀壽皇

稽常樂伊吾郡隋廢唐貞觀七年改沙州又立瓜州
伊州西州庭州元爲沙州路領瓜州玉門關在西北
十八里明洪武初置沙州衛在肅州衛西八百里永
樂二年置哈密衛 酒泉郡漢武帝元狩二年置隸
涼州晉永嘉以後并涼張氏分爲建康郡隋仁壽中
置肅州北魏分爲玉門郡唐隸隴右道嗣聖初又分
立建寧軍元曰肅州路明洪武初置肅州衛隸陝西
行省司甘州西歷高臺所鎮夷所皆其地也 張掖
郡漢武帝元鼎六年分武威置隸涼州後漢獻帝分
立西郡北魏分立番禾郡唐曰甘州元至元元年甘
州路總管府明洪武二十八年建甘州衛山丹衛

又東過隴西河關縣北洮水從東南來注之

漢地理志河關屬金城郡下云積石山在西南羌中
河水行塞外東北入塞內至章武入海過郡十六行
九千四百里按金城郡昭帝始元六年取天水隴西
張掖各二縣置領縣十三而天水郡又元鼎六年分
隴西立後漢隸隴西郡陳芳績曰周隋洮河郡之河
津疑卽漢之河關縣也

又東過金城允吾縣北

漢地理志烏亭逆水出參街谷東至枝陽入湟三國
已後無明在蘭州西南五十里自臯蘭金城關而西
肇沙井至莊浪爲允吾地

又東過榆中縣北

至隋廢明在蘭州西二百里通典曰故城在今五泉

縣東

又似在蘭州東

又東過天水北界

漢武帝元鼎三年分隴西立後漢明帝十七年改漢陽郡晉仍爲天水唐徙成紀曰秦州元隸鞏昌路明屬鞏昌府

又東北過武威媼圍縣南

三國省明永昌衛

又東北過天水勇士縣北

三國省明在靖虜衛西南二百里

又東北過安定北界麥田山

又北過北地富平縣西

漢高帝析靈州廻樂縣置晉移治左馮翊懷德縣周
保定二年置會州建德二年立鳴沙鎮隋曰鳴沙金
廢明在寧夏衛東南一百五十里今在寧夏府

又北過朔方臨戎縣西屈從縣北東流

漢元狩五年城遼改名富民屬豐州元省入豐州
至河目縣西屈南

漢屬五原郡

過五原西安陽縣南屈東

徐廣曰陰山在河南陽山在河北

過九原縣南

漢屬五原郡遼曰柔服屬雲內州

又東過臨沃縣南

漢屬五原郡

又東過雲中楨陵縣南

莽曰楨陸上郡有楨林莽曰楨幹後漢省金曰宣平
元屬順寧府明洪武四年廢

又東過沙南縣北

漢屬雲中郡按晉雁門郡亦有沙南縣陳氏芳績曰
諸志謂懷仁卽漢沙南非也漢雲中郡縣俱在大同
府西北數百里外今懷仁在大同府西南七十里大

同府卽漢平城其南應州卽漢陰館俱屬雁門郡在
漢時雲中郡之沙南必無遙設于此之理況其中更
有定襄郡之隔絕也自建安末雲中郡縣盡棄于戎
悉以其流民別置于內地沙南之在雁門境者亦必
係此時另置者諸志未考以懷仁爲沙南非也寰宇
記云漢沙南地魏晉不立郡邑可証漢地理志雁門
郡無沙南

從縣東屈南過沙陵縣西

漢屬雲中郡後無酈注云白渠水西北逕沙陵縣故
城南西注沙陵湖湖水西南入于河河水南入楨陵
縣西北緣胡山厯沙南縣東北兩山二縣之間而出

余以太和中親所逕涉河水南流脉水尋經殊乖川去之次似非關究也

又南過赤城東

戴東原曰赤城在朔州西北又東赤城見沾水注卽萬全指揮司東北二百里之赤城堡魏主登國二年神瑞二年如赤城者也司沾卽今宣化府府又有赤城縣

又南過定襄桐過縣西

北齊之紫阿鎮遼會昌中曰宣德屬德州金大定八年更宣寧屬大同府明省在大同府西北八十里

又南過西河圍陽縣東

漢志圖陽唐屬銀州師古曰今銀州銀水是舊名猶存但字變耳明葭州

又南過離石縣西

漢屬西河郡獻帝末荒廢爲南單于庭左國城

又南過中陽縣西

魏移置茲氏界漢屬西河郡酈注云中陽縣隔越重山不濱于河也

又南過土軍縣西

漢屬西河郡後漢省北魏眞君九年置嶺西後西魏并立吐京郡太和二十一年更名孝昌中陷寄治西河

吐京音訛變而然也

陳芳績曰魏收志吐京新城二縣各有